

南開大學中國社會史研究中心資料叢刊

近代旅遊指南彙刊

30



鳳凰出版社

南開大學中國社會史研究中心資料叢刊

近代旅遊指南彙刊

30



鳳凰出版社

第三十冊

中華民國全國鐵路旅行指南

第一期（二）鐵道部聯運處編

民國二十三年

.....一

第一期

中華民
國全國
鐵路旅
行指南

(二)

鐵道部聯運處編

民國二十三年

北甯綫

北平正陽門站

本站屬河北省大興縣、因在正陽門迤東、與平漢綫首站對峙、故俗稱前門東車站、爲本綫起點站、初建時、原以蘆溝橋爲起點、所謂津蘆鐵路是也、後由豐台展至永定門外、自庚子亂後、乃將車站移至天壇、嗣因修築通縣枝綫、聯軌於東便門內、旋即展至正陽門、本站北依城垣、南臨護城河、寬不過數十武、形勢甚狹、僅容旅客之升降、及裝卸零星貨物、所有煤棧等、均在崇文門附近、其雜糧貨棧等、則均設於永定門站、本站東端、設有水關門售票處、凡來自東交民巷等處者、在此購票較爲便利、其環城鐵路各次列車、亦於本站往來開行、

北平居河北北部、爲禹貢冀州之域、殷因唐虞、復爲幽州、周封堯後及召公於此、爲薊、爲燕、秦爲上谷、漢爲廣陽郡、唐爲范陽郡、宋爲燕山府、遼稱燕京、始爲都會、金爲中都、元世祖遷城於中都舊址之北、改爲大都、明初爲北平、永樂間拓建今城、稱北京、置順天府及大興宛平二縣、清因之、民國初、建設中央政府於此、改順天府爲京兆、迨至民國十六年、遷都南京、始將北京、改名北平、北平向爲我國故都、亦華北商務之集中地、左環

蒼海、右擁太行、北枕居庸、南襟河濟、交通至爲便利、本綫及平漢平綫兩綫、均起點於此、

北平宮城之概略

內城 位於外城之北、形爲正方、面積約一百一十二方里、建於明永樂七年、卽元都故城、周四十里、設門九、

南曰正陽、俗名前門、左曰崇文、俗名海岱門、右曰宣武、俗名順治門、東之南曰朝陽、俗名齊化門、北曰東直、西之南曰阜成、

俗名平則門、北曰西直、北之東曰安定、西曰德勝、又正陽門東、闕有一門、可通各國使館駐在地、俗稱水關、又民

國初年、在正陽門與宣武門之間、闕有一門、曰和平門、

外城 包內城之南、形如巨鉗、面積約八十二方里、建於明嘉靖三十二年、周二十八里、設門七、

南曰永定、左曰左安、俗名江次門、右曰右安、俗名南西門、東曰廣渠、俗名沙窩門、西曰廣安、俗名彰儀門、東西兩隅、北向者東曰

東便門、西曰西便門、本綫在東便門迤南、闕一門爲平通支線經過處、又永定門迤東、闕一門爲北寧幹線

經過處、

宮外城 卽舊皇城、周十八里、設門四、

南曰天安、北曰地安、俗名後門、東曰東安、西曰西安、

民國二年設總統府於南海、就舊皇城西南角寶月樓舊址、另闢一門、曰新華門、

宮內城 卽舊紫禁城、周六里、設門四、南曰午門、東曰東華、西曰西華、北曰神武、

午門 卽紫禁城正門、門前左設嘉量、右置日圭、

太和門 在午門北、門前列銅獅二、前有金水河、作半環形、跨石梁五、卽內金水橋、左右兩廡、爲舊朝房、

太和殿 在太和門北、基高二丈、殿高十一尺、廣十一間、縱五間、殿前丹堦、環以石欄、陛五出、列鼎十八、階

級正中、置鉅石、上刻雲龍、旁刻獅馬、左右各置金缸二、銅質龜鶴二、東有日圭、西有嘉量、殿內有金漆龍

抱柱六、餘則爲紅漆柱、皆可三人合抱、昔舉行國慶大典、卽在此殿、

中和殿 在太和殿後、殿頂上有圓形金頂、昔清帝祭祀視祝版、籍視五穀農器於此、

保和殿 在中和殿後、殿凡九間、與太和殿丹陛相屬、前列金缸四、昔每歲除夕筵宴外藩、及每科朝考新

進士時、清帝御之、

乾清門 在保和殿後、廣五楹、中三門、前陛三出、各九級、陛前列金獅二、此門內卽舊禁宮矣、

乾清宮 在乾清門內、廣九楹、深五楹、昔時引見庶僚、及每歲元旦宴諸王於此、

交泰殿 在乾清宮後、昔御用寶璽卽藏於此、

坤寧宮 在交泰殿後、廣九楹、昔皇后所居、

下列二殿、現已改爲古物字畫陳列所、售遊覽券、每張一元、另收入門券三角、每遇紀念日減收半價、

(一)文華殿 在午門東、內陳列古今名人字畫、

(二)武英殿 在午門西、內陳列周宋元明清各代瓷器古銅絲繡金質嵌寶雕漆及各種瑪瑙漢白黃碧等玉、並諸佛器、

故宮博物院

故宮博物院、乃舊皇宮也、自民國十三年十一月五日清帝出宮、經清室善後委員會查點各宮殿物品、備建博物圖書文獻各館、嗣於十四年四月十二日起開放、任人參觀、計分三路、

中路 御花園、坤寧宮、交泰殿、乾清宮、弘德殿、昭仁殿、南書房、上書房、

以上陳列銅盜各器字畫等件、爲博物部、

內西路 西花園、中正殿、建福宮、雨花閣、太極殿、長春宮、翊坤宮、儲秀宮、重華宮、

以上陳列宋元明清各版書籍、及經卷等、爲圖書部、

外東路 寧壽門、寧壽宮、九龍壁、皇極殿、養性殿、樂壽堂、頤和軒、景祺閣、珍妃井、

以上陳列冊寶冠服御容等件、爲文獻部、

參觀券每張壹元、滿二十人以上之團體、先行函知、票價折半、

國立北平圖書館

國立北平圖書館、係前國立北平圖書館、與中華教育文化基金董事會之北海圖書館、合組而成、規模宏大、其館址乃最新建築、綠瓦朱門、頗具美麗莊嚴氣象、屋宇軒敞、空氣流通、舉目四顧、北海波光、瓊島塔影、相將入眼、顧盼神飛、尤足助閱者之逸興、入館處分東西二大間、東爲雜誌室、西爲善本之一部、由正中甬道沿梯登樓、其外爲中西文普通閱覽室、甬道兩旁、則爲研究室、甬道北端、樓凡四層、第一層爲滿蒙回藏各種文字、及西夏經典、第二層爲西文書籍、第三層爲中文書籍、第四層爲政府刊行之公報雜誌等、其他各種善本書籍、四庫全書、唐人寫經、與昔日圓明園及三海之各種模型、均另闢精室、以儲藏之、館之左右、復有二小樓、東西對峙、則爲梁任公及海氏紀念室、金石部與圖部俱在焉、

名勝古蹟

天壇 在正陽門外天橋南、明永樂十八年建、形圓象天、中有祈年皇乾無量等殿、壇內松柏參天、臺碣森列、舊制每年冬至日、祀天於此、

地壇 在安定門外北里許、明嘉靖九年建、形方象地、內有皇祇室神庫神廚等、舊制每年夏至日、祀上於此、

民國十四年改建京兆公園、

朝日壇 在朝陽門外東南、舊制每年春分、祀大明於此、

夕月壇 在阜成門外光恆街、舊制每年秋分、祀夜明及二十八宿與金木水火土五星於此、


先農壇 在正陽門外天橋迤西、內有慶成宮觀耕台天神壇地祇壇太歲壇靈壇等、舊制祀先農於此、民國

八年、改設城南公園、


社稷壇 在天安門右、即今中山公園、舊制每年春秋、仲月上戊日、祀社稷於此、民國三年、開放爲中央公園、今改爲中山公園、

歷代帝王廟 在阜成門內大街、明嘉靖十年建、祀歷代帝王、以歷代名臣配享、上自伏羲、下迄有明、入祀典

北平故宮鳥瞰



北平天壇石欄



北平先農壇觀耕亭





北平文廟



